

OFFERYNNAU STATUDOL CYMRU

**2023 No. 1349**

**Rheoliadau Addysg (Cyllid Myfyrwyr)  
(Diwygiadau Amrywiol) (Rhif 3) (Cymru) 2023**

**RHAN 7**

**Diwygiadau i Reoliadau Addysg (Benthyciadau  
at Radd Ddoethurol Ôl-raddedig) (Cymru) 2018**

**PENNOD 4**

**Terfynu cymhwystra yn gynnar**

**63. Yn rheoliad 3—**

(a) ar ôl paragraff (10) mewnosoder—

“(10A) Pan—

- (a) bo Gweinidogion Cymru wedi penderfynu bod person (“A”), yn rhinwedd bod yn ffoadur neu fod yn briod, yn bartner sifil, yn blentyn neu'n llysblentyn i ffoadur, yn fyfyrwr cymwys mewn cysylltiad â chais am fenthyciad at radd ddoethurol ôl-raddedig ar gyfer cwrs dynodedig; a
- (b) ar y diwrnod cyn y diwrnod perthnasol, fo statws ffoadur A, neu ei briod, ei bartner sifil, ei riant neu ei lys-riant, yn ôl y digwydd, wedi dod i ben ac nad yw caniatâd pellach i aros wedi cael ei roi ac nad oes apêl yn yr arfaeth (o fewn ystyr adran 104 o Ddeddf Cenedligrwydd, Mewnfudo a Lloches 2002),

bydd statws A fel myfyrwr cymwys yn terfynu yn union cyn y diwrnod perthnasol.

(10B) Pan—

- (a) bo Gweinidogion Cymru wedi penderfynu bod person (“A”), yn rhinwedd bod yn berson y rhoddwyd caniatâd iddo aros fel person diwladwriaeth neu fod yn briod, yn bartner sifil, yn blentyn neu'n llysblentyn i berson o'r fath, yn fyfyrwr cymwys mewn cysylltiad â chais am fenthyciad at radd ddoethurol ôl-raddedig ar gyfer cwrs dynodedig; a
- (b) ar y diwrnod cyn y diwrnod perthnasol, fo'r cyfnod y caniateir i'r person y rhoddwyd caniatâd iddo aros fel person diwladwriaeth yn y Deyrnas Unedig wedi dod i ben ac nad yw caniatâd pellach i aros wedi cael ei roi ac nad oes cais am adolygiad gweinyddol yn unol â'r rheolau mewnfudo yn yr arfaeth,

bydd statws A fel myfyrwr cymwys yn terfynu yn union cyn y diwrnod perthnasol.

(10C) Pan—

- (a) bo Gweinidogion Cymru wedi penderfynu bod person (“A”), yn rhinwedd bod yn berson sydd â chaniatâd i ddod i mewn neu i aros neu fod yn briod, yn bartner sifil, yn blentyn neu'n llysblentyn i berson o'r fath, yn fyfyrwr cymwys mewn cysylltiad â chais am fenthyciad at radd ddoethurol ôl-raddedig ar gyfer cwrs dynodedig; a

- (b) ar y diwrnod cyn y diwrnod perthnasol, o ran y person sydd â chaniatâd i ddod i mewn neu i aros, fo'r cyfnod y caniateir iddo aros yn y Deyrnas Unedig wedi dod i ben ac nad yw caniatâd pellach i aros wedi cael ei roi ac nad oes apêl yn yr arfaeth (o fewn ystyr adran 104 o Ddeddf Cenedligrwydd, Mewnfudo a Lloches 2002),

bydd statws A fel myfyriwr cymwys yn terfynu yn union cyn y diwrnod perthnasol.

(10D) Pan—

- (a) bo Gweinidogion Cymru wedi penderfynu bod person (“A”), yn rhinwedd bod yn berson y rhoddwyd diogelwch dyngarol iddo o dan baragraff 339C o'r rheolau mewnfudo, neu fod yn briod, yn bartner sifil, yn blentyn neu'n llysbentyn i berson o'r fath, yn fyfyrwr cymwys mewn cysylltiad â chais am fenthyciad at radd ddoethurol ôl-raddedig ar gyfer cwrs dynodedig; a
- (b) ar y diwrnod cyn y diwrnod perthnasol, fo'r cyfnod y caniateir i'r person y rhoddwyd diogelwch dyngarol iddo aros yn y Deyrnas Unedig wedi dod i ben ac nad yw caniatâd pellach i aros wedi cael ei roi ac nad oes apêl yn yr arfaeth (o fewn ystyr adran 104 o Ddeddf Cenedligrwydd, Mewnfudo a Lloches 2002),

bydd statws A fel myfyriwr cymwys yn terfynu yn union cyn y diwrnod perthnasol.

(10E) Pan—

- (a) bo Gweinidogion Cymru wedi penderfynu bod person (“A”), yn rhinwedd bod yn berson sydd â chaniatâd i aros o dan adran 67 neu fod yn blentyn i berson o'r fath, yn fyfyrwr cymwys mewn cysylltiad â chais am fenthyciad at radd ddoethurol ôl-raddedig ar gyfer cwrs dynodedig; a
- (b) ar y diwrnod cyn y diwrnod perthnasol, fo'r cyfnod y caniateir i'r person sydd â chaniatâd i aros o dan adran 67, aros yn y Deyrnas Unedig wedi dod i ben ac nad yw caniatâd pellach i aros wedi cael ei roi ac nad oes apêl yn yr arfaeth (o fewn ystyr adran 104 o Ddeddf Cenedligrwydd, Mewnfudo a Lloches 2002),

bydd statws A fel myfyriwr cymwys yn terfynu yn union cyn y diwrnod perthnasol.

(10F) Pan—

- (a) bo Gweinidogion Cymru wedi penderfynu bod person (“A”), yn rhinwedd bod yn berson sydd â chaniatâd Calais, yn fyfyrwr cymwys mewn cysylltiad â chais am fenthyciad at radd ddoethurol ôl-raddedig ar gyfer cwrs dynodedig; a
- (b) ar y diwrnod cyn y diwrnod perthnasol, fo'r cyfnod y caniateir i A aros yn y Deyrnas Unedig wedi dod i ben ac nad yw caniatâd pellach i aros wedi cael ei roi,

bydd statws A fel myfyriwr cymwys yn terfynu yn union cyn y diwrnod perthnasol.

(10G) Pan—

- (a) bo Gweinidogion Cymru wedi penderfynu bod person (“A”), yn rhinwedd bod yn berson sydd â hawliau gwarchodedig ac sydd â chaniatâd cyfyngedig i ddod i mewn i'r Deyrnas Unedig neu i aros ynddi a roddwyd yn rhinwedd rheolau mewnfudo'r cynllun preswyllo, yn fyfyrwr cymwys mewn cysylltiad â chais am fenthyciad at radd ddoethurol ôl-raddedig ar gyfer cwrs dynodedig; a
- (b) ar y diwrnod cyn y diwrnod perthnasol, na fo gan A ganiatâd cyfyngedig cyfredol mwyach i ddod i mewn neu i aros a roddwyd yn rhinwedd rheolau mewnfudo'r cynllun preswyllo, ac nad yw caniatâd pellach i ddod i mewn neu i aros wedi cael ei roi o dan y rheolau hynny,

bydd statws A fel myfyriwr cymwys yn terfynu yn union cyn y diwrnod perthnasol.

(10H) Pan—

- (a) bo Gweinidogion Cymru wedi penderfynu bod person (“A”), yn rhinwedd bod yn wladolyn Wcreinaidd a ddiogelir neu fod yn briod, yn bartner sifil, yn blentyn neu'n llysblentyn i wladolyn Wcreinaidd a ddiogelir, yn fyfyrwr cymwys mewn cysylltiad â chais am fenthyciad at radd ddoethurol ôl-raddedig ar gyfer cwrs dynodedig; a
- (b) ar y diwrnod cyn y diwrnod perthnasol, fo statws A fel gwladolyn Wcreinaidd a ddiogelir, neu briod, partner sifil, rhiant neu lys-riant A, yn ôl y digwydd, wedi dod i ben ac nad yw caniatâd pellach i ddod i mewn neu i aros wedi cael ei roi, bydd statws A fel myfyrwr cymwys yn terfynu yn union cyn y diwrnod perthnasol.

(10I) Pan—

- (a) bo Gweinidogion Cymru wedi penderfynu bod person (“A”), yn rhinwedd bod yn berson sydd â chaniatâd i ddod i mewn neu i aros fel dinesydd perthnasol o Affganistan neu fod yn briod, yn bartner sifil, yn blentyn neu'n llysblentyn i berson o'r fath, yn fyfyrwr cymwys mewn cysylltiad â chais am fenthyciad at radd ddoethurol ôl-raddedig ar gyfer cwrs dynodedig; a
- (b) ar y diwrnod cyn y diwrnod perthnasol, fo'r cyfnod y caniateir i'r person sydd â chaniatâd i ddod i mewn neu i aros fel dinesydd perthnasol o Affganistan aros yn y Deyrnas Unedig wedi dod i ben ac nad yw caniatâd pellach i ddod i mewn neu i aros wedi cael ei roi, bydd statws A fel myfyrwr cymwys yn terfynu yn union cyn y diwrnod perthnasol.

(10J) Nid yw paragraffau (10A), (10B), (10C), (10D), (10E), (10F), (10G), (10H), (10I) nac (11) yn gymwys pan, ar y diwrnod perthnasol—

- (a) bo A, neu
- (b) bo'r person a achosodd, o ganlyniad i'w statws mewnfudo, i A fod yn fyfyrwr cymwys,

yn ddinesydd Prydeinig neu'n ddinesydd Gwyddelig.”;

(b) ym mharagraff (11)—

- (i) yn is-baragraff (b), yn lle “diwrnod cyntaf blwyddyn academiaidd gyntaf y cwrs dynodedig hwnnw” rhodder “y diwrnod perthnasol”;
- (ii) yn y geiriau ar ôl is-baragraff (b), yn lle “diwrnod cyntaf blwyddyn academiaidd gyntaf y cwrs dynodedig hwnnw” rhodder “y diwrnod perthnasol”;

(c) ar ôl paragraff (11) mewnosoder—

“(12) Yn y rheoliad hwn, ystyr “diwrnod perthnasol” yw—

- (a) diwrnod cyntaf blwyddyn academiaidd gyntaf y cwrs dynodedig (“dyddiad cychwyn BA1”); neu
- (b) os yw'r statws perthnasol, neu'r cyfnod perthnasol y caniateir i berson aros yn y Deyrnas Unedig amdano, yn dod i ben ar neu ar ôl dyddiad cychwyn BA1, diwrnod cyntaf y flwyddyn academiaidd sy'n dechrau yn union ar ôl y flwyddyn academiaidd y mae'r statws neu'r cyfnod yn dod i ben ynddi.”